

金石存三





金 石 存
(三)

趙 摺 編

金石存卷九

隸四

鈍根老人編 綿州李調元雨村校

漢潘乾校官碑

漢白石神君碑

碑陰

漢郃陽令曹全碑

碑陰

漢蕩陰令張遷碑

碑陰

漢尉氏令鄭季宣碑陰

漢征西大將軍楊瑾殘碑

漢魯相謁孔廟殘碑
漢題比干墓殘碑

漢校官碑光和四年

蓋漢三百八十有七載○○○于○○○銘工著
斯金石畀誅曰溧陽長潘君諱乾字元卓陳國長平
人蓋楚太傅潘崇之末緒也君稟資南○之禧○天
○德之絕操髡髻克敏○學典謨祖講詩易剖演奧
藝外覽百家衆儒挈聖抱不測之謀秉高世之爪屈
私趨公即仕佐上郡位既重孔武起著疾惡義形從
風征暴執訊獲首除曲阿尉禽姦彘猾冠息善歡履
孤竹之廉蹈公儀之絜察廉除茲初厲清肅賦仁義
之風○○○之迹蕃化放虐岐周流愛雙虐○○○親
取寶智進直退慝布政優優令儀令色獄無吁嗟之

冤樹無叩匄之結矜孤頤老表孝貞節重義輕利制
戶六百省無正繇不賫自畢百姓心歡官不失實於
是遠人聆聲景附樂受一廛既來安之復役三丰惟
伴宮之教反失俗之禮構脩學宮宗懿招德既安且
寧千侯用張匱豆用礲發彼有的雅容。閑鍾磬縣
矣弓胥樂焉乃作敘曰

翼翼聖慈惠我羣 貽我潘君平茲漂陽彬文趙武
扶弱抑彊。川壘雄流惡顯忠容疑元老師旼作丕
脩學童冠琢質繡章寔天生德有漢將興尚旦在昔
我君存今即此龜艾遂尹三梁永世支百人民所彰
子子孫孫卑爾熾昌

丞沛國銓趙勲字萼伯左尉河內汲董竝字公防右尉豫章南昌程陽字孝遂

時將作吏名戶曹掾楊淮議曹掾李就議曹掾梅檜戶曹史賀○從掾位侯祖主記史吳超門下史吳訓門下史吳翔門下史時球

光和四年十月己丑朔廿一日己酉造

右漢溧陽長潘君校官碑隸額一行今在溧水縣學隸釋云潘君自曲阿尉來宰溧陽興學宮講賓射碑頌所由作也碑自紹興十一年溧水尉喻仲遠得之固城湖濱置于官舍其後洪丞相錄入隸釋元至順間文學掾單禧又爲釋文視洪氏尤爲詳

盡然剥泐已甚字但隱隱可見非就釋文審視之幾莫能辨其筆畫矣江南絕少古碑惟此乃爲漢人遺刻識者尚珍愛之

碑中用字類多假借如以絜爲潔干爲豢華爲黎卑爲俾洪氏釋之良是至云剗省其刀賢去其貝則有不盡然者按說文戔傷也六書畧云擣傷也禽姦戔猾即用本字于義固通不事借戔爲剗也說文取堅也古文以爲賢字袁良碑優取之寵與此碑正同盖用古文亦非故去其貝

昌黎詩押玲瓏爲瓏玲參差爲差矣後人但以用之自公不敢致疑實亦不知於古何本碑云惠我

黎蒸亦倒用蒸黎字以押韻蓋古自有其法今人不知耳

漢廣漢屬國侯李翊碑銘云比列陵於隸釋云似倒用於陵以稱韻也亦與此用黎蒸同

左傳楚商臣立以潘崇爲太師此作太傳恐誤

王賄上居易錄云韓退之詩多倒用成字蓋本諸三百孫季昭示見編所拈如中林中谷中河中路中田家室裳衣衡縱稷黍瑟琴鼓鐘斯螽下上羊牛甥舅孫子女士京周家邦鼎鼎息偃之類皆是古人倒用成語以就韻如此之多但出自今人之手則斷不可耳

漢白石神君碑光和六年

白石神君碑篆額

蓋聞經國序民莫急於禮禮有五經莫重於祭祭有二義或祈或報以章德祈以弭害古先哲王類帝禋宗望予山川徧于羣神建立地域脩設壇屏所以昭孝息民輯寧上下也白石神君居九山之數叅三條之壹兼將軍之號秉斧鉞之威體連封龍氣通北嶽幽讚天地長育萬物觸石而出膚寸而合不終朝而澍雨沾洽前後國縣屢有祈請指日刻期應時有驗猶自抱損不求禮秩縣界有六名山三公封龍靈山先得法食去光和四年三公守民蓋高等始爲無

極山詣大常求法食國縣以白石神君道德灼然乃具載本末上尚書求依無極爲比即見聽許於是遂開拓舊埵改立殿堂營宇既定禮秩有常縣出經用備其犧牲奉其圭璧絜其粢盛旨酒欣欣燔炙芬芬敬恭明祀降福孔殷故天無伏陰地無蠱陽水無沈氣火無灾燁時無逆數物無害生用能光遠宣朗顯融昭明丰穀歲孰百姓豐盈粟汁五錢國畧安寧尔乃陟景山登崢嶸采元石勒功名其辭曰

巖巖白石峻極太清皓皓素質因體爲名惟山降神髭士挺生濟濟俊乂朝野充盈灾害不起五穀熟成乃依無極聖朝見聽遂興靈宮千山之陽營宇之制

是度是量卜云其吉終然允臧匪奢匪儉率由舊章
華殿清閑肅雍顯相元圖靈像穆二皇皇四時禋祀
不愆不忘擇其令辰進其馨香犧牲玉帛黍稷稻粱
神降嘉祉萬壽無量子子孫孫永永蕃昌

光和六年常山相南陽馮巡字季祖元氏令京兆新
豐王翊字元輔長史潁川申屠熊○○丞河南季
邵左尉上郡白土樊瑋祠祀掾吳宜史解徽石師王
明

燕元璽二年正月十日主簿○程刺字
門傳白石將軍教五祠今日爲火匠燒

右漢白石神君碑在無極縣白石山名新得法食

于太常故拓廟建碑以頌其績隸釋云此碑雖布
置整齊畧無纖毫漢人氣骨雖有光和紀年或後
人用舊文再刻者今按常山相馮巡元氏令王翊
等題名之後仍有隸字二行其一云燕元壘三年
正月十日主簿某人刻字此碑重刻本有可攷洪
公所収本偶無此字故但以書法定其時代然亦
精于鑒矣又予細讀此碑并以三公無極二碑相
比較恐此敘銘亦非漢人所作蓋其體輕而味淺
亦無漢人蒼厚之致意原碑已毀此亦元壘間人
摹古爲之者非特其字爲重刻也然魏晉以後隸
法日壞此慕容時所刻猶能整齊如此不得不歎

爲司隸衣冠矣

漢軹家釜斗字作𠂔金石文字記云𠂔音陞𠂔音
斗昔人以其文易混故改𠂔爲斗碑云年穀歲孰
百姓豐盈粟𠂔五錢此字當是斗字碑乃作升此
筆畫小訛書鐫之過若粟𠂔五錢又何足稱頌乎
黍稷稻稂乃借稂莠之稂爲梁也今本隸釋或書
作稂非是

漢白石神君碑陰

主薄○。音尉道 主薄郝幼高 主薄郝明孔

休 主薄郝尚文休 主薄杜斐元達 主薄張淵

孔先 主薄馬靖文○ 主薄王睿元先 主薄韓

南儒伯 主薄○。文業 主薄○觀承宏 祭酒

○秋孝仁 主薄李斐尉宗 祭酒范晔孔周 主

薄○當季元 祭酒張廣德林 主薄郤志元恪

祭酒郭稚子碧 主薄張斐林武 祭酒郭挈仲業

祭酒陳光長林 都督趙略孔達 主薄○由季

儒 務城神君錢二萬 李女神義錢三萬 孺石

神君義錢二○ 萬祥神君義錢一萬